



# **Peqqinnissaqarfimmi naartuneq erninerlu**



## **NAARTULERNINNI PILLUARIT!**

Peqqinnissaqarfiup ernivissaasa tallimaasut arlaanni takunissat qilanaaraarput.

Peqqinnissaqarfimmi ernisartut ukiumut 850-it missaanniipput naartunerpit erninerpillu ataqatigiissaagaalluarnissaa, illit apparpillu piffissaq tamakkerlugu ilinniagaqassutsikkut qaffasissumik piginnaasaqarnermik toqqissisimanermillu misiginissarsi Peqqinnissaqarfimmit kissaataavoq. Taamaammat illit meeqqavillu peqqissusersi qulakkeerniarlugu, kingunerluutaasinnaasunut ajornartorsiutinulluunniit allanut immikkut nakorsartinnissamik paaqqutarineqarnissamillu piumasaqaatitalinnut iliuseqarsinnaasunik ernivissani sulisoqarpoq.

## **Nunatsinni ernivissat**

Nunatsinni ernivissat tallimaapput:

- Dronning Ingridip Napparsimmavissua
- Ilulissani Peqqinnissaqarfik Avannaani qitiusumik napparsimmavik
- Sisimiuni Peqqinnissaqarfik Qeqqani qitiusumik napparsimmavik
- Tasiilami Peqqissaavik
- Qaqortumi Peqqinnissaqarfik Kujataani qitiusumik napparsimmavik

## **Nuummi Napparsimmavissuarmi ernineq**

Naartunerpit nalaani kingunerluuteqalissaguit nakorsamiilluunniit immikkut piumasaqaatitalimmik ernisussatut naliliivigineqaruit, Nuummut Napparsimmavissuarmut, atortutigut sulisutigullu ernisunik naartusunillu kingunerlutitsisunik isumaginnissinnaasumut nuunneqassaatit.

## **Nuup avataani ernivissani ernineq**

Nuup avataani ernivissami ataatsimi pilaalluni ernisitsisinnaasumik nakorsaqqarpoq, sinititsisartumik peqqissaasoqarpoq, aaviisartoqarpoq juumooqarlunilu.

## **Qaqugu ernivissannut aallassaanga?**

Najukkanni peqqinnissaqarfiup immikkoortuani sulisut pisariaqartutut naliliippata ernivissannut nuunneqassaatit. Nalinginnaasumik pisoqartil-lugu ernivissaq sap.ak. pingasut sisamalla akornanni sioqqullugit (timmis-artumut immakkulluunniit angallammut ilaanissat apeqqutaassaaq).

## **Ernivissannut ingjiallorteqarsinnaavunga?**


18-it inorlugit ukioqaruit, Peqqinnissaqarfimmit angalanera ineqarneralu akiliussamik ataatsimik ingjiallorteqarsinnaavutit.

## **Ineqarneq nerisaqarnerlu**

Ernivissanni napparsimasunut akunnittarfimmiikkuit ineqarninnut nerisannullu akiliunneqassaait. Nammineq aaqqissuussannik, inissiami unnuisarfimmiluunniit allami najugaqaruit, nerisassarsiuutissannik ullormut 200 koruuninik tunineqassaait.

## **Billetsimik inniminniineq angalanerlu**

Ernivissanni sulisut bilitsissannik inniminniinissaq isumagissavaat. Bilitsit mailikkut pissarsiarisinnaavat imal. Peqqinnissaqarfiup immikkoortuanit qaninnermit tunniunneqarsinnaavoq. Tamanna pillugu illoqarfinni/nunaqarfinni peqqinnissakkut sullissisunut paasiniaagit



## **Qaqugu angerlassaagut?**

Suut tamarmik pilersaarutaasutut ingerlappata, ernereernerup kingorna meerarlu pilertukannersumik angerlarsinnaavusi. Ernereernermi aatsaat bilitsimik inniminniisoqassaaq.

## **Suna pillugu najukkanniit aallarlunga erniartussaanga?**

Nunatsinni erninermut tunngatillugu maleruagassat, tamatuma nalaani erninermut atatillugu naalungiarsuit toqusartut amerlaqisut ikilisinneqarnerannik kinguneqartut, 2003-mi Peqqinnissaqarfimmit atuutilersinneqarput. Maleruagassat Nunani Avannarlerni pitsaassutsimut uuttuutit tunngavilugit ilusiligaapput.

- Sulisut erninermut atatillugu kingunerluutaasinnaasunik assigiinnigitsunik tassanngaannaq takkuttunik- ilaatigut aanaarnernik, pilaal- luni ernisitsinermik inoorlaamullu tunngatillugu ajornartorsitinik isumaginnissinnaasariaqarput. Kingunerluutit ajornerpaaffimminni anaanap meeqqallu inuunerannik akeqarsinnaasut.
- Taamaammat ernivissani minnerpaamik pilaalluni ernisitsisinnaasumik nakorsaqarnissaa, peqqissaasumik sinititsisartoqarnissaa, aaviisar-toqarnissaa kiisalu juumooqarnissaa piumasaqaataavoq.

### **Apeqqtissaqaruma sumut saaffiginnissaanga?**

Sullinneqarnerpit qanoq ingerlanera pillugu apeqqtissaqaruit Peqqinnissaqarfimmi sulisunut tamatigut saaffiginnissinnaavutit. Peqqinnissaqarfimmi siunnersortip paasissutissatigut apeqqtivillu akissuteqarfiginissaannut aamma ikiorsinnaavaatit.

## **Attavissaq**

**Peqqinnissaqarfimmi siunnersorti: Uani piffissamik  
inniminniigit:**

**Siunnersorti@peqqik.gl imal. oqarasuaatikkut:  
344050**

**www. Peqqik.gl**